

ادبیات عمومی و تجریدی

هفته‌لق سیاسی، علمی و ادبی غزته‌در

جلد : ۲

سنه : ۲ ۲۹ صفر ۱۳۳۶ هجری ايرتسی ۱۵ کانون اول ۱۹۱۷ نومرو ۱۵ — ۴۶

اجمال افکار

فرانسز قفاسی

بوندن تقریباً یکرمی سنه اول، ظن ایدرم عثمانلی - یونان محاربه‌سی اثناسنده، فرانسه‌ده شیمدی متروک Le Play مکتب اجتماعی ارکانندن E. Demolins نام معلم — آنغلو-صاقسون لک تفوقلری نه‌یه مستنددر؟ — عنوانیه، فرانسزلر ایچون پک آجی، فقط مفید و علمی اولغا، برابر شمتلی بر اثر نشر ایتشدی.

بو اوفق کتاب، عالم مطبوعاتده بیوک و سورکلی مناقشاتنی موجب اولدی. اعظمدن برخیلیسی آکا دائر مطالعه و مؤاخذه‌لرینی بسط ایتدیلر.

او زمان، هنوز انکلیز خصوصت تاریخیه‌سی فرانسزلرک ذهندن سیلنمه‌مشدی. دنیاده سیاسی و اقتصادی اک مهم موقعه کنیدیسنی لایق کورن فرانسه، بیوک - بریتانیانک استعلاسنی چکه‌میور، و، اسکی محافل، دائماً، مانش - ک شمالنده کی سلطنت بحریه و تجاریه‌یی بیوک بر رقیب اولقی اوزره تلقی ایدیوردی.

اوت، آوته مذکورهدن اولکی تلقیه نظراً برنجی درجه‌ده کی خصم آلمانیا دکل، بیوک - بریتانیا ایدی.

عجبا، نفس‌الامرده، فرانسه‌نک اک بیوک دشمنی، کنیدیسنی ۷۱-۱۸۷۰ ده هزیمته دوچار ایدن پروسیامی ایدی، یوقسه، انکلیزده‌می؟ انکلیزه ایدی.

موسیو [ده‌مولان] ک اثرینه دائر بسط مقال ایدن پک مشهور منقد وادیب [ژول لومه‌تر] - فیغارو - ده دیورکه :

زمان ، بعض آثاری احیا ، بعضی بخریده افنا ایدر ، آثارك قدر و اهمیتی هر وقت احیا
 و یا افناده بر رول اویناماز .
 پارلاق برجانه کوردیککز وقت شعر دن استعاده ایدیکز . منطقی دعوتله در حال
 کوزلکاریکزی طاقیکز . [راقم الصروب ، « شاطو بریان » ك بر پارلاق جمله سی اوزرینه ، فلج منطقی به
 کفتار اولش و آنجق برسنه ده افاقت بولشدی .]
 بشر ، محافظه کارلقدن بیتنجه ترقی پروراك مودا اولور . اود دابتداله اوغراینجه محافظه کارلق
 اعاده اعتبار ایدر . تاریخ ، بوجذر ومدك قیدندن عبارتدر .
 باده دجو ، طوغری بی دها طوغری ، اکری بی دها اکری ، یا کلتی دها یا کلتش ،
 کوزلی دها کوزل ، ای بی دها ای ، خیالی دها نخیل کوسته در .

میضی : مهول نوری

هفته لی تاریخ عرب و سیاست

[۵ - ۱۱ کانون اول ۱۹۱۷]

متاركة مسئله سی - اتموف دولتمبرك وضعیتمری - آمریقاك اعمومیه مری -

وضعیت عسکریه - مملکتیمز و ارضوز نیمور بولمری

کچن هفته روسلرله متاركة عقدینی خبری ویرمشدك . تلغراف آژانسلرینك بوخبری ویرمکده
 برآز عجله ابتدکاری آکلاشیلدی . فی الحقیقه ۷ کانون اول تاریخلی تبلیغ رسمیلر ؛ اتفاق مریع
 اوردولرینه منسوب عسکری مریخصلرایله روس عسکری مریخصلری آراسنده بحر بالطقدن قاره دکزه
 قدر امتداد ایدن جبهه لرده و آسیاده ده عثمانلی - روس صحنه حربلرنده « تعلیق مریخصانه » تحریراً
 قرار ویرلدیکنی و بو تعلیق مریخصانك ۷ کانون اولدن ۱۷ کانون اول وقت زواله قدر دوام ایدیه جکنی
 و متاركة مذاکراتنه ده برقاچ کونه قدر باشلانیه جغنی بیلدیرمکده ایدیلر . بو اون کونك تعلیق مریخصانندن
 متاركة مذاکراتی نتیجه لندیرمك ایچون استفاده اولونا جقدر . مریخصلردن بر قسمی مملکتلرینه
 شفاهی معلومات ویرمك ایچون عودت ایتشلر سده متباقی قسمی پرنس (لئوپولد دوبوویه ر) رك
 قرارگاهنده انجمنی خالنده متاركة مذاکراتنه دوام ایتکده در . بو مذاکراتك ده بو کون یارین
 نتیجه لندیرمك متاركةك صورت قطعیه ده تقرر و بونی ده صلح مذاکراتك تعقیب ایله یه جکی شبهه سزدر .
 رسماً تبلیغ ایدلدیکنه کوره ، تعلیق مریخصانات و متاركة مذاکراتی رومانیا قطعانه دخی شاملدر .
 چونکه ، کچن نسخه خزرده ده سویله دیکمز وجهه ، ذاتاً باشقه درلو اولامازدی . رومانیا ایچون ،
 روسیه دن آیریلارق حربیه دوام امکانی موجود دکلدی .

روسیه ده آرتق ایجه قوتلنن (بولشه ویک) حکومتك برطرفدن متاركة و صلح منفرد

کیریشمه سنی، دیگر طرفدن وثائق خفیه بی نشر ایله مه سنی ائتلاخیلر، غیر رسمی نشریاتله، بر اهانت تلقی ایتمکله برابر، رسمی لسانلردن هنوز روسیه بی اتهام ایتمه دیلر. كذلك نه اقصای شرقدن ژاپونیا نك روسیه اوزرینه صالده برلایسی، نه ده ائتلاف سفیرلرینک پترسبورغی ترکری کی بر رسمی اثر خصوصت کوسته رله دی. آ کلاشیلور که ائتلاف، روسیه یه قارشى حرکتده پکده زیاده التزام احتیاط اییدیور. و بونی حقلى کوسته ره جک سبیلرده یوق دکادر. اولاً روسیه ده کی ۳۰ - ۴۰ میلیاره بالغ ائتلاف سرمایه سنک واقراضاتک تهلکه یه دوشمه سی احتمالی، اونلرک باشلرینک اوچنده آسیلی بر تهدیددر. ثانیاً روسیه بی دها زیاده صیقیشدیرنجه، بونی یالکیز کندى صف ائتلافلردن قاجیرمق دکل، حتی بلکه ده بر آلمان اتفاقیله قارشیلرینه چیقدیغنی کورمک احتمالی ده موجوددر.

ایشته بوسبيله در که، ائتلافک پروتستوسنه ویکى روس حکومتی طانیه رفی مناسباته کیریشمکدن احترازینه رغماً، مقابله بالشل ماهیتنده بر تدبیر فعلیسی کوروله یور. حالبوکه یکی روسیه دها شیمیدین، متفقلرینک، بالخاصه انکلیزلرک، تبعه لرینی توقیف ایتک و عموم اجنبی استقراضاتی مفسوخ عدایدوب تأدیاتک تعطیلنی امر ایله مک صورتیه، کندیسندن صلح و متار که خصوصنده آیریلان متفقلرینه خصوصت ایله یور. استقراضاتک اعلان مفسوخیتی مسئله سی، ظن ایده رز، ائتلاف محافلنده بر وایلا قوپاره جقدر، که البته ایشیدیرز.

✧ ائتلافک وضعیت وخیمه سی روز افزون بر شدتله دوام ایتمکده دره. (قله مانسو) یارس ائتلاف قونفرانسنی بر قاچ کون اول پک سونوک بر نطقله قاپادی. فرانسه ده (قله مانسو) کیمسه بی وبالخاصه سوسیالیستلری ممنون ایده مه دی. انکلتزه ده (لوئید جورج) قابینه سی عادتاً صاللا نغده در. لورد (له نساون) کچن نسخه مزده سویله دیکمز مکتوبنی تعقیباً لوردلر قاماره سنه منسوب بر طاقم اعضاتک (دهیلی نیوز) غزته سنده نشر ایتدکلری بر مکتوبده «انکلتزه نك مشروع و ملی منافعتک محافظه سنه خادم براوزلاشمه صلاحک عقدی ضمننده رسماً مذاکراتک آچیلما سنی» توصیه و التزام ایتمکده درلر. انکلتزه نك حرکاتنده بر تحول و تبدل کورولیور. ایتالیا دن ایسه سس چیقما یور. چونکه اورای بیتیک بر حالده در.

✧ دیگر طرفدن (تایمس) غزته سنه نظراً، ائتلاف دولتلری یکیدن شرائط صالحیه لرینی قرارلاشدیر مشلر ایش. بو شرائطده «صربستان، قاره طاغ، بلچیکا و رومانیانک اعاده سیسلیری، (آلساس-لورهن) ک فرانسلرله آوستریا اراضیسندن بر قسنک ایتالیا نلره ترکی، تورکیانک آوروپادن اوزاقلاشدیرمه سی» در. انسان بونی اوقونجه ائتلاف رجاتک الاکن مجنون ویا سرخوش اولوب اولمادیغنی کندى کندینه صورار.

✧ عن قصد شراب حربیه دالارق سرمستی جدالی تمید ایتک ایسته ین بریسی وارسه اوده آمریکا رئیس جمهورى (ویلسون) و همپاسیدر. فی الحقیقه ویلسون بوهفته طرفنده قونفرمه ده ایراد ایتدیکی بر نطقده، هپ اوبیلدیکمز «جهنمی آلمان قوتلرینی قیرمق صورتیه صلاحه واصل اولمقدن» بحث ایتدیکی کی آوستریا-مجارستان، تورکیه و بولغارستانک برر آلمان آلتی اولدقلرندن بحثله بو مملکتلرک، دیگر مستولی مملکتلر کی، آلمانلرک نفوذ و ایدى تسلطندن قورتارلایسنى و تحت البحر حربنده و سائر خصوصاتده آلمانیا ایله یکوجود اولان آوستریا-مجارستانه اعلان حرب ایله سنی توصیه ایتمکده ایدی. تورکیه و بولغارستانه ده اعلان حرب لازم ایسه ده هنوز

بو دولتلرک آمریقانک حرکاتی استقامتده برر آنکل اولمادقلرینی رئیس جنابلری بیان ایدیوردی . سرابا بر اثر خصومت و غیظ اولان بونطق اوزرینه ، ذاتاً (ویلسون) ایله سرمایه دارانک بر آتی حکمنده کی « قونغره » ، آوستریا - مجارستانه درحال اعلان حرب ایدله سنه و تورکیه ایله بولغارستانده بالآخره اعلان حرب قرار ویرمشدر . کندینه حامی مدنیّت و اقوام سوسنی ویردن ویلسونک توسیع نأثره حرب یولنده کی بوتشبنه ، بلافتور اوموز سیلکمه اتفاق مریبعک وضعیت عسکریه سی بلغاً ما بلغ مساعددر .

نیته کیم ، اک صلاحیتدار آغیزلر اولان (هینده نیورغ) و (لوده ندورف) ک لسانلرندن « نویه قرایه پره سه » غزته سی مخابرنه واقع اولان بیانات صوک درجه اطمئنان بخشادر . شو جمله لری اویاناتدن اقتباس ایدیوزز :

« وضعیت حربیه ، حرب حقنده بویوک امیدلرده بولونماسنی محق کوسترمکده در . » ، « غرب جبهه سنده وضعیت کاملاً امنیت بخشدر . مدافعه من موقعیت ایله تتوج ایتیمکده و دیگر جبهه لرده بویوک تشبثاته مساعد بولونمکده در . » ، « فرانسه یه قارشی قطعی برضربه ایندیرمکه موفق اولقلغمز محتملدر . » ، « آمریقایلرک بویوک برآوردو وجوده کتیرمک تشبثلری عقیم قالاسه بیله بوآوردوی بحر محیط آطلاسی اوزرندن آوروپایه کتیره بیلمه لری جای سؤالدر . » ، « اگر برمدت ده صبر وثبات ایدمک اولور ایسه ک نتیجه حسنه یه دسترس اولاجغز . »

ایشته بوجهلر ، سوز سویله مکده پک ممسک اولان و آغیر مسئولیتلر آلتنده بولونان لسانلردن صادر اولمشدرکه ویلسونک خفیف مشربانه نطقلرندن البته دها زیاده حقیقت اشیا یه موافقددر . ذاتاً بر ، آمریقانک مقصد حقیقیسنی ، انکلیزلرک مسلکینی تعقیباً کیزله دیکنه ، و آوروپایی یورارق جهان پیاسه لرنده حاکم یکانه قالمق وانکلترده دن صوکره ژاپونیایی ده ازمک املنه خدمت ایتدیکنه قانع . بوتون آمریقانک حرکاتی ریا کارانه وهپ کندی منفعتنه خادمدر .

اتفاق مریبعک ، هله روس ورومن متارکه سندن صوکره ، وضعیت عسکریه سی نه قدر پارلاق اولدیغی بری غربده ، بری ده غرب جنوبیده انکلتزه و ایتالیایه ایندیریلن ایکی ضربه ایله ثابت اولدی . (قامبره) جوارنده آلمانلر مقابل تعرضی بویوک برشدتله اداره ایدمک انکلیزلرک خطوطنی یاردیلر ، بونلری کیلو مترو لجه کری یه طرد ایتدیلر و ۹ بیکدن فضله اسیر ، برخیلی طوب و ۷۱۶ میترالیوز آلدیلر . بوتعرض ، بوندن اولکی انکلیز باصفینیله بوزولمش موضعلری اصلاح مقصدیله ایدلمشده ده ، آلمانک قوه تعرضیه سنک لدی الحاجه نه لر یاپه بیله جکینی اثبات ایتدیکی ایچون پک مهیدر .

دیگر تعرض ، بزم اول و آخر ادعا ایتدیکمز وجهله ، ایتالیان جبهه سنده کی تعرضک یکیدن جانلانسیدر . متفقریمز ایکی هفته قدر بر توقفه ، علی الخصوص شو مؤسمده پک مشکل اولان ، طامغ محاربیلری ایچون لازم کلن استحضاراتی اجرادن صوکره (وه نه چیا) آلپلرنده ینه تعرضه باشلا یه رقی ایتالیانلری (مهله تا) کتله جبالندن طرد و ۱۹ بیکدن زیاده اسیرایله یوزدن فضله طوب

آلدیلر، بوندن سوکره (والستانیا) طاغی ده آنیرسه بارون (قونراد) اوردوسی اورایه اینه جک و (پیاوا) بونده تیره بن ایتالیان اوردوسی رجعت وانهمزام قارشیلایه یقندر .
عثمانلی جبهه لرندن یالکز سینا جبهه سنده حرکت و فعالیت وارد .

==

بز اجمالزه ، بعض مهم حرکات مدنیه بی ده درج ایتکده اولدیغمز ایچون ، « اقدام » سر محررینک « مملکتمز و اوجوز تیموریولاری » عنوانی مقاله مهمه سندن شوپک واقفانه یازلش سطرلری اقتباس ایدیورز :

« طار و اوجوز شمندوفر خطوطی ، محاربه طولایسیله آوستریا - مجارستانده یکی یکی تکاملاته مظهر اولش . آوستریا اردوسی برنجی فریقلرندن بر ذات بوبابده کی عمیق و تجاربه مستند مطالعه سنی نشر ایدیور . بونک ، قسماً بزم مملکت مزده تعلقی و علاقہ سی وار ، دیگر بر مخطرہ ایسه بالذات آوستریا ده بوبابده تدقیقاتده بولان محترم بروطندا شمزک اثری در که کندیسنگ بوبابده کی صلاحیت و اختصاصی جای انکار دکندر .

بومطالعاتزدن ، سائر تدقیقاتزدن و مملکت مزده تطبیق اولنان اصولاردن مستبان اولدینی اوزره اوجوز ، غایت اوجوز شمندوفر خطری انشا ایتک ممکندر . بونلره منافع محلیه ، کوی خطوطی ، اوجوز شمندوفر و « ده قوویل » اطلاق ایدیورلر . بونلرک اوقدر اوجوزلری وارد که علی العاده شوسه لردن بیله اهون انشا و اداره و ادامه اولنیورلر .

بالطبع بو خطوط دائمی اوله ماز . لکن آنا خط یاپیلنجیه قدر ، هر حالده طار و « اقونومیکی » بر خط ، علی العاده بر یوله و یا خود یولسزاقه مرجعدر . خطوط اساسیه نک انشائی بالنسبه کوچجه در . بیوک عملیاتی مستلزمدر . حالبوکه مطالعه گذارض اولان تفصیلات فنییه کوره بوکی خطوط غایت بسیط بر صورتده انشا اولونور و کنیش خطلی بر یول بک یوکسکاره چیقاریله مدینی حالده ، بر « ده قوویل » ، سهولتله ، غایت مرتفع ذروه لری بویلا .

آوستریا ده هر واغونی آیری بر موتورله متحرک « ده قوویل » اصولی ده تطبیق ایدیشدر . اصولارده بر دکل ، بر چوقدر ، شایان ممنونیتدر که کندیلرله کوروشدیکمز وطندا شلر مزدن برقچ متخصص بو اصولاری لایقی درجه ده تدقیق ایتشلر ، حتی بو صددده استاد بیله اولشلردر .

حربدن بری ممالک عثمانیه ده بر خیلی طار خطلی شمندوفر انشا ایدلدی و جمله سی ، شایان تقدیر و تبریکدر ، یوزضری آغارتیجی درجه ده ای ایشلیور و اداره ایدیلیور . مملکتمز فسیح و وسیعدر . خطوط من نسبتله آزدر . مرکز سلطنت سنیه هنوز هریره شمندوفرله ربط ایدلدی . اول باول خطوط اصلیه بک یرینه - خطوط اعدادیه و مبشره قیاندن - « ده قوویل » لر تمید ایتسه ک اولمازچی ؟ بیوک پروگرامزی تعقیباً هر نه وقت بر یره کنیش خطلی ، علی العاده بر شمندوفر تمید ایتک ایستهرسه ک ، درحال ، اوراده کی اوفق خطک لوازمی سوکره ، طویلار و آنلری دها اوتلره ، یا خود ، لرومی وارسه ، بیوک خطه منتهی اولان سائر جهتلره قوزار ، تمید ایدرز .

بو ، وادی تکامل و اقتصاد یانده بزم ایچون فائده لی بر استحاله اوله بیلیر .